

通鑑本末紀要

序目



漢書門			
八	八	八	八
六	六	六	六
七	七	七	七
一	一	一	一
冊	架	函	號

八	八	八	八
二	二	二	二
六	六	六	六
四	四	四	四
五	五	五	五

內閣文庫			
番號	漢	8512	
冊數	64	(1)	
函號	295	56	



通鑑本末紀要

是書較張天如先生所梓紀事本末約半部少羸而巨細畢該繁簡盡善至於疏註詳明從來未有凡讀史所苦悉如披雲見日其歷代統系國都考舉數千年治亂分合靡若指掌真稽古之大快也究心史學者自知之

分六套四十二冊 序目首上共一冊
卷十七十八十九共一冊餘俱每冊二卷

本衙藏板翻刻必究

通鑑本末紀要序

從來史筆不同然求

其理明事核則惟備

道之君子德有其言

者乃能爲之是故不
讀左國不知春秋之
謹嚴不觀十七史不
知通鑑之爲資治也

通鑑一書包括古今
舉撮機要務取關國
家興衰生民休戚可
備法戒者著之於篇

故其筆削舊文咸有
淡意法洵善矣然編
年紀事之體雖至此
大備而欲專求一事

務爲精熟之法則又
在袁氏紀事本末一
編欲垂世立教誅亂
討賊則不可無朱子

綱目以繼麟經遺意
二書皆後通鑑而作
可稱善述第本末變
其體而槩沿其文綱

目詳其大而或略其
細世未有能兼收二
書之長而裁節之以
自成一家者余嘗惜

之今雲貴總制綏遠
將軍仁菴蔡公余爰
也不遠數千里馳書
以所纂通鑑本末紀

要委序余初讀篇首
襄敏公題詞則知其
稟承庭訓仰師古人
早有是撰以承先志

見家學之懋焉載讀
公自序則知其斟酌
二書補救四闕其事
與文雖取諸君實機

仲其義則折衷考亭
見史學之精焉而又
屬其爰雲間林子安
國攷證音註其門人

梁谿嵇子爾遐商訂
較閱援據精詳攷裁
明核方諸道原外紀
旣無其荒唐揆於廬

陵書法復進於多識
見集思廣益之誠焉
蓋屬草木天常攜行
笈中間掃蕩兇渠決

機行陳倥偬戎務猶
不輟丹鉛迨於功成
移鎮遂三易橐以命
梓人也實積二十年

之勤始有此神明古
法度越前喆也不亦
宜哉嗟乎公勲勞在
疆場忠孝媿古人其

聲名赫奕不待著書
始傳而所著書又必
傳無疑何允文允武
兩擅其長立功立言

相爲不朽若斯之隆
乎方今海寓安和文
明蔚起公以方召之
壯猷建殿綏之偉績

其功固足以銘諸鼎
鐘播於雅頌而又以
其暇蒐輯典文發皇
大業以爲

聖世黼黻太平之助所
謂長才大度無所不
淹者非歟夫名世宗
工天之所授其精神

智慮類非常人所能
及推而家國遭際君
臣父子之會與夫師
友之緣亦有非恆數

所能測者吾觀公勳
名旣盛經緯咸宜恭
遇

聖天子文思欽明同符

堯舜所倚毗以效翼
爲襄治理者非公其
誰屬耶則余所服膺
又不獨茲編之美善

已也

肯

康熙乙丑春日太子
太傅保和殿大學

士兼禮部尚書宛
平眷弟王熙拜撰



序

余觀古今人才盛衰
之際而信五百年名
世之說誠哉其不吾

欺也夫前聖既往後
哲方遙其間風教之
所激揚山川之所停
毓豈無豪傑之士不

待文王而興者然或
千里而一士數十年
而一賢勳名材武卓
絕後先者固未易數

數遘也若夫景運方
升泰階將啓聖人作
而君子豹變風雲起
而龍鬣景從奇才異

能比肩接迹歷觀曩
代鮮不同符我

國家肇績三韓龍飛遼
甸一時諸王而下

李序
百辟卿士共襄大業
者鼎彝不勝銘而竹
帛不勝志也方諸呂
召畢散之儔蕭曹絳

灌之屬濟濟煌煌奚
雷雁行伯仲而已有
以是知聖人之興不
偶而天生名世之才

亦非苟焉而已也今
雲貴制府仁菴蔡公
生長於錦川策名於
豐沛余自其尊人襄

敏公以來與其裔梓
遊從者三十餘年淡
知其兩世相承唯以
忠孝大節與康濟斯

李序
民爲己志公旣孝爰
性成慷慨好義而天
資超卓每當臨事決
策往往出人意表余

嘗謂古人致歎於六
經之表九州之外而
又謂皋夔稷契何書
可讀良有以也夫豈

待學問之功哉而公
自以身爲貴介上荷
國恩下肩堂構日凜凜
焉懼隕越以爲君父

羞志在以古人爲師
法遂究心於是非得
失之林輯爲通鑑本
末紀要屬其爰雲間

林子安國注而存諸
几案間以當蒼蔡他
人讀千萬言而無裨
實用者公得其一兩
言引伸而由繹之躬
行以踐履之八識田
中良種畢具觸緒而
導油然沛然耳且吾

李序
聞其與林子交也首
屬以過失相規充其
意雖日進之鍼砭欣
然無迂也或累月而

無聞焉則曰邇豈能
無過耶何君之不吾
告也嗟夫其好賢樂
善志趣宏遠如此豈

李序
淺見薄識之徒所能
黽勉幾及哉故其爲
少司寇也有釋之乘
法不撓之風其爲少

宰也有巨源流品皆
清之致及出而節制
荆南會當滇黔肆逆
羽檄交馳賊之前驅

李序
披猖東下公以荆南
現旅力砥狂氛凶徒
頓兵而禁軍得以乘
時禦險自此櫛風沐

雨相持甚力躬同甘
苦身當矢石者數年
當是時聞公寢處之
所室置一刀一弦誓

在以身殉國忠義感
孚士心咸奮賊軍中
望見其旗幟者率爲
引去於是威惠竝驅

相機勃發羣醜殄滅
滇黔蕩平膚功旣奏
封疆宴然公之功在
社稷人皆知之而余更

李氏
聞其枕戈之日一意
以安民爲本家貲國
帑胷無兩視故以巨
萬之師屯要害之地
而民無驛騷市賈加
倍是以三楚之廣相
忘於兵無或乘機竊
發以煩軍有司之撲

滅者其保全蒼生消
弭禍患尤非淺鮮而
人或不盡知之要非
其生平師法古人之
一念爲之張本卽所
施爲亦未易以至是
也甲子之春公以軍
旅旣靖乃以紀要一

書問序於余余覽之
而喟然曰若公誠可
謂文武兼資矣謂非
五百年名世之人哉

襄敏公之有公猶臨
淮之有西平也而真
寇之悖逆罪百於諸
凶則公之濟美亦功

李序
高於往代矣古之稱
不朽者或人以文傳
或文因人顯今公之
豐功偉烈既如彼而

其書復謹嚴而該博
詳核而有體劑袁氏
之所不足采司馬之
所或遺宋元二代補

救尤多非經生所能
辨也昔人以通鑑一
書可得溫公相業則
其人文竝重者矣吾
於是書亦云

康熙甲子太子太師
戶部尚書保和殿
大學士高陽李蔚

序



自序

予惟聖人以六經垂世
尚書春秋居其二寶古
之左右史也其後司馬

子長創為史記與左氏
相後先而編年紀傳歷
代莫出其範圍至涑水
通鑑為編年之大成鉅
製鴻裁照曜千古第其
卷帙浩繁溫公自謂書
成之後惟王勝之嘗讀
一過餘人不數卷輒廢

去矣且以事從年其文
散見自非彊記之家溯
始要終良非易也於
是袁機仲先生始撰紀
事撮其本末以年從事
使讀者無繙閱之勞得
淵源之便所以羽翼編
年嘉惠學者厥功懋焉

予雅愛此書洞若觀火
而惜其未盡者有四
涑水以曹魏為宗上承漢
統終不若紫陽綱目大
義明正是書一遵司馬
之舊未有更定一也所
紀本末而外猶有事關
勸戒者以無所附麗畧

而不存二也前後五代
以及唐季藩鎮事故紛
繁端緒交錯袁氏以體
屬紀事不欲以分國分
地揉襍其文固不失作
者之義而讀者朱紫炫
然莫適條貫三也天台
胡氏為通鑑音註典雅

詳確綱目亦有發明質
實諸本而是書攷訂闕
然四也於是竊取數端
詳為參輯仍節繁就簡
約其卷帙始於甲辰迄
於己酉為書八十一卷
為目三百二十有奇屬
吾友雲間林子安國攷

證其輿地氏里及有費
按討者舉而註之予門
人梁谿嵇子爾遐復為
參較於今始竟蓋為時
二十年矣嗟乎予之有
事於斯編也實惟先君
子平居諄々用古人為
勸戒其或舉動間合輒

為色喜否則終日不怡
予滋負慝焉因念事上
信友咸本順親遂輯斯
編以當師友而承親志
及待罪荆南滇黔告警
先君子時方寢疾馳命
軍中勗之以盡瘁矢之
以捐軀曰毋忘吾夙昔

之誥誠也予奉訓詞以
從事兢二戎索隕越是
虞得藉

聖天子威靈埽除凶逆南

甸廓清海內詠歌太平
予復得以軍旅之餘輕
裘緩帶播揚文德猗歟
幸矣而會是書適成不

覺感傷其初念而痛吾
先君子之往也追維編
輯之日身在

輦轂庭闈無恙予時進營

職守退奉顏色旦夕

君父之側從容今古之林

不自知其樂也為時幾

何而

諭瑩草深玉關人老寤懷
往境不復可追撫茲編
也歎義方之不再愧尚
友之何從吾奚以自解
於中心也夫

康熙甲子歲孟冬吉旦
綏遠將軍總督雲貴文
武事務兵部尚書兼都

序
察院右副都御史正一
品前總督四川湖廣兩
省吏刑二部侍郎內秘
書院學士錦川蔡毓榮



序

華亭後學林企復少文謹書

書通鑑本末紀要簡端
示仲兒

史之爲書也後世於此
鏡得失審是非攷成敗

辨從違焉故司馬溫公
書成進御宋神宗名之
曰通鑑而其後遂以爲
編年紀事之定稱蓋觀
往而知來信無逾於斯
矣仲兒自媿吳蒙將於
是乎求所以淑身而應
世者顧以卷帙浩繁因

取袁氏紀事稍爲更定
輯成紀要余展卷而計
之其間升平全盛之事
五居其一耳自是而外
公卿大夫或以命世之
才生偏隅之世或以太
平之器當離亂之朝張
弛窘於事勢拂逆亂其

聰明功債於支吾志乖
於沮喪雖有上哲亦願
言無咎而已至於繼世
之君不皆令叡刻薄者
以猜疑爲明斷剛愎者
以威福爲聲靈又或貨
利是耽色禽荒志於是
僉壬掎克投其所好羣

小竝進君子道消爲之
臣下者非救過之不遑
則仰天而無策又其異
者時無敵國外患之憂

上無幽厲煬靈之惡而
積弛成痼叢弊深根摺
紳開朋黨之門士庶無
周行之俗茲編所載歷

歷可徵生當其世誠士
君子之不幸也然且古
人於此猶務深沈以厚
其智明哲以決其幾時

當用晦則逶迤以赴功
義在不撓則慷慨以明
志期於上不負國下不
負所學何其偉歟今吾

父子游被

國恩深厚汪濊且身當

景運之初兩事

聖明之主百度脩舉衆正

盈廷士大夫苟能立紀

宣猷卽垂爲一代之成

憲崇文尚質亦播爲百

世之遺風斯時也斯遇

也求諸史策寧可多得
哉今仲兒不自意歷膺
顯擢遂貳天官才微任
重其何以力圖報稱無
然隕越乎吾滋懼矣勉
之哉必也理財賦則爲
唐之劉趙而勿爲漢之
桑孔秉銓衡則爲山巨

源之啓事而勿效裴光	庭之聖書治刑獄則當	知于定國猶有不厭於	衆心而徐有功終見思	於亂世掌戎樞則當思	張燕公以武緯文經而	莫解於曠騎之更韓忠	獻以元勳盛德而遺憾
-----------	-----------	-----------	-----------	-----------	-----------	-----------	-----------

於義勇之刺典風憲則
當知直道可行雖以桓
溫之悖逆而不能不歎
服於王元瑜憲章可憑

雖以李祐之勳名而不
能無膽落於溫御史司
教化則當知東京標榜
之風必流而爲黨錮晉

代老莊之弊遂變而成
永嘉平水土則屯田水
利毋蹈晚宋諸臣之轍
興作營繕常存貞觀諫

諍之思於是上而調元
則以救時爲先務出而
司牧則以民命爲根源
申韓之學非所事伊傅

而下皆吾師也進以持
盈有戒樂善多風盡忠
補過則小心以將之難
進易退則正諄以成之
庶幾可以事君可以守
身矣而茲編咸具焉仲
兒勉旃毋徒侈見聞而
矜博洽也筆此以爲誠

康熙己酉孟夏之吉歸

雲主人題



後序

今皇帝御極之初超以樗材濫竽內

史時則今

綏遠將軍雲貴總督蔡夫子方爲
學士學士於舍人尊卑若堂屬而
內院用館閣故事不與外曹同周

旋左右兼師生之雅焉夫子既才
大不矜飲人以和而超尤沐知愛
佩服提誨匪伊朝夕迨超出爲外
吏二十年間夫子績炳秋卿業隆
少宰及出而節度楚蜀則以荆南
要地當滇逆之方張砥柱狂氛捐

軀是矢卒之盡瘁數年功成一旦
削平羣醜對揚王休以是垂諸史
冊千載而下方且驚爲異人推其
德業勳名烏奕天壤若此者將悉
本諸天賦與抑學問使然與殆未
可意測也及讀通鑑本末紀要一

後序
書始知一代偉人取法乎上天資
學問未嘗不相濟以成其用而其
見地之卓越神思之敏妙加人數
等則迥非世俗之所能幾矣卽以
是書而言夫固合通鑑綱目紀事
而一之者也此三書者所載之事

雖同而命例則異體裁則異錯綜
後先則異章句之士分部以終覽
窮年而竟讀猶苦於首尾莫究參
互之無門也而茲且一之且取三
書而從其所優補其所不足如綱
目於曹操司馬懿諸人皆書曰自

後序
爲某官進某爵通鑑則否綱目若
范增揚雄皆書曰死書法云以賊
之也通鑑亦否則舍綱目而從通
鑑蓋以篡奪之罪狀不待貶而顯
白者多矣從項羽及頌莽功德者
衆矣且無以處夫罪浮於增雄輩

者考亭之見猶未免經生之疾惡
也二書若嚴子陵之足加帝腹張
燕公之諂事王毛仲而吮其鞞鼻
皆以爲非實而不取至於留侯之
招四皓通鑑所削而綱目存之陶
靖節以晉人卒於宋通鑑亦不書

而綱目特紀之則舍通鑑而從綱
目蓋以嚴重高賢者人主之盛事
表揚風節者名教之大防也凡若
此類皆從其所優者如此至若伏
臘之制起於秦迄今爲歲時之要
而周惠王元年秦德公初作伏前

編逸之田租之免始於漢後世爲
仁政之先而漢高祖二年首復蜀
漢民租二歲綱目通鑑皆遺之魏
明帝景初元年丁巳更用丑正以
十二月爲歲首其三年正月明帝
殂實漢後主延熙元年戊午之十

後序
二月也綱目仍通鑑之文書於己
未是以漢朔而誤於魏朔矣宋書
文帝元嘉七年十月魏人拔虎牢
刺史尹冲榮陽太守崔模抗節不
降投塹歿文帝稱冲誠節志槩繼
蹤古人魏書則曰斬其刺史尹冲

而通鑑書尹冲崔模降魏綱目因
之是以歿節而誤爲降敵矣今竝
正之凡若此類皆補其所不足者
如此此其用心有關世道良非淺
鮮而爲功於涑水考亭者誠何如
哉其於宋元則又取陳薛兩先生

後序
之所長而參之以四史莫不損益
盡善靡所間然乃若袁氏紀事獨
闢津梁以惠後學所未能瞭然者
晉季之十六國與唐之藩鎮五代
之十國耳則從而推厥所由惟局
於紀事之故爲之稍變其體本諸

載紀及藩鎮列傳十國世家以爲
準則於是讀史之苦怡然泮渙而
其溯源窮委尤袁氏之功臣機仲
復生必當心折乃復立紀略以盡
其餘述統系以冠其首讀者但閱
統系而數千百年興亡治亂瞭若

指掌覺司馬氏之通鑑目錄薛方
山先生之甲子會紀皆繁而可廢
也信乎備著述之苦心極編摩之
能事矣兼以安國林子搜今貫古
考註精詳讀者不假旁稽坐收宏
覽又何文事之幸相得而彰與然

使具是數美而采摭或冗簡帙加
繁則亦奚貴乎爾是編也博而要
簡而該反覆數四贊歎何容已已
因思涑水考亭於漢魏之間統閏
各別識者疑之超竊謂涑水在神
宗之時禪受方百年而舜禹之事

後序
權輿於曹魏考亭生高孝之後宋
鼎旣南渡而宗周之勢同符乎昭
烈故二書之正閏時爲之也考亭
適得其正遂爲千古定論非兩賢
之有優劣也讀史者烏容偏廢哉
而非我蔡夫子合而爲一卽建安


袁氏亦不能以無憾抑非見地之
卓越神思之敏妙加人數等終亦
分而不能合合而不能以盡善且
非此德業勳名足以配乎筆墨亦
未能與涑水考亭建安三君子竝
重而偕傳也超也生右文之時忝

後序
及門之末方滇楚多事惜不獲仰
承籌策以馳驅自效於行間茲當
膚功既奏會是書之成而以管窺
自附於千秋之業幸孰甚焉謹序
一時輒思志難成而人效者亦
康熙歲次乙丑中秋吉旦

門人會稽魯超拜題



門人會稽魯敏孫恩上



嗚呼此先君子因是書之成而隳括生平
教誡之旨以示榮勿忘也憶序甫就而榮
遂奉

簡書稅於閩海歲暮而旋不半載復拜川湖之
命以出自是而後北望燕雲庭闈莫即夢中定
省瞬息成虛以迄於今而先君子耳提面
命髣髴如存者猶藉此序以為羹牆而已

所深媿者先君子之屬望於榮何若而榮
所以仰承訓詞者百不得一焉序之所云
特先君子所志所行於是在耳每一展
卷能無汗出霑背哉

男毓榮百拜謹識



凡例

一紀事之體創始於宋袁機仲先生與編年相爲表裏先
儒以爲通鑑之戶牖誠著述之鴻裁也篇帙浩繁世無
節本是書芟繁存要標目相仍第若晉之五胡唐之藩
鎮五代之十國自非各爲始終鮮能燭其條貫今本晉
書載紀以紀十六國本唐書方鎮列傳以紀河北諸藩
本五代史世家以紀十國則與袁本迥異事期明晰非
故妄淆作者之體也

一是書大指詳於紀事而略於文章詳於分裂而略於一
統詳於魏晉以後而略於秦漢以前至於溯源窮委搜

通鑑本末綱要 凡例
討靡遺間多袁本之所未備其有一事而互見數處者則以賓主爲詳略有一事而分見兩處者則因附麗爲彼此焉

一歷朝典制文獻自有成書其間因革大端隨事採摭以備宏覽雖卷帙甚約而考訂實煩云

一紀事之作本以歲月綿邈故裒而次之使初終易稽也若事不越歲文不累牘無取多設標題今袁氏全書爲題二百有十金陵沈氏撰本末前編事不過戰國以前爲題百九十有奇則不如讀左氏之爲得矣今於東周以上但用編年其後代帝王事幾繁盛者別立紀略以

盡其餘創業之主則附於卽位之後不更列立紀略

一紀年或大書或分註以及崩薨殂卒悉遵綱日期畫一也而綱目以褒貶爲義是書以紀事爲文故不立提綱其割據之際年號紛然但取其與本事有關者分註行首餘不贅及用以省文

一事有刪之可惜筆之則贅者因人因事附載細書以資宏覽

一司馬溫公作通鑑目錄薛方山先生作甲子會紀皆撮史書之要爲考閱之資今於卷首撰次歷代統系使帝王世次燎如指掌又合采二書擇其有關於治亂存亡

之大者著之繼之以歷代國都而諸僭統割據者皆附焉

一有明一代之事因國史未有成書不敢妄爲置筆

一箋疏訓詁經史之所不廢若天台胡氏之註通鑑建安馮氏之著質實信爲有功學者而胡註郡邑咸屬宋代質實不能徧註每每稱見某卷不無繙閱探討之煩是書輿地悉註今名義關稽古備加研訂而前事所註後事復詳要使讀者不待越卷而求也

一左氏之文於人或稱其名或稱其字或稱其官以及晉之十六國唐之諸鎮史或稱某國某鎮而不必兼其人或稱其人而不必兼其地者此皆臨文之義然未免爲讀史之勞是本悉爲詳註一覽洞然凡爲魯者立法故不憚見哂於穎敏之家也音義過詳亦本斯意


一古人字里惟列傳爲詳通鑑僅稱其地耳今並詳爲考註

一 是書每以一事爲始終凡註地名在今一府之中有再見者不復冠之以省一縣之地有再見者并不復冠之以府年月則不復冠之以某帝皆以省文其卷首統系國都則每以一代爲始終初詳後略非爲舛襍也

通鑑本末紀要

廟諱御名並遵古例減其點畫其有俗所諱字本非
功令不敢竄易失真

梁谿稽永福爾遐氏謹識



後學

崑山王肯宗夏

華亭林修次游

校字

通鑑本末紀要總目

卷首上

歷代統系

卷首中

歷代統系

卷首下

歷代國都

卷一

三皇紀要

五帝紀要

三王紀要

卷二

東周紀要

卷三

齊桓伯略

宋襄伯略

晉文伯略

驪姬之難附

秦穆伯略

楚莊伯略

晉楚爭伯

吳越報復

吳楚之釁附

卷四

魯三家

晉六卿

欒卻附

子產相鄭

齊田氏

三家分晉

燕齊報復

卷五

蘇張從衡

秦并六國

卷六

豪傑亡秦

漢高滅楚

卷七

諸將之叛

諸呂之變

匈奴和親

文景紀略

諸王之變

卷八

武帝紀略

淮南謀反

武帝伐匈奴

武帝平兩越

武帝通諸國

卷九

武帝神仙

巫蠱之禍

霍光秉政

宣帝紀略

趙充國破羌

匈奴歸漢

卷十

元成紀略 恭顯用事

河決之患

丁傳用事

董賢嬖倖

王莽篡漢

卷十一

光武中興

平赤眉

平漁陽 彭寵

卷十二

光武平齊 劉永 董憲 張步 龐萌

平隴蜀 公孫述 田戎 延岑 附

明章紀略

竇氏專恣

西域歸附

卷十三

匈奴叛服

諸羌叛服 涼州之亂附

安順二帝之立

梁氏之變

卷十四

黨錮之禍

宦官亡漢

董卓之亂

卷十五

黃巾之亂

袁紹滅公孫瓚

曹氏篡漢

卷十六

昭烈繼統

孫氏據江東

卷十七

諸葛亮出師

魏滅遼東

魏誅曹爽

吳殺諸葛恪 孫綝逆節附

後帝之亡

卷十八

司馬氏篡魏 淮南三叛附

晉滅吳

賈后專恣

卷十九

八王之亂 汝南王亮 楚王瑋 趙王倫 齊王囧 長沙王乂 成都王穎 河間王顥 東海王越

陳敏之叛

晉室之東

卷二十

前趙志略 劉淵

前燕志略 慕容暉

成李志略 李特

前涼志略 張軌

卷二十一

王敦之亂

蘇峻之亂

後趙志略 石勒

卷二十二

江左經略中原

桓溫廢立

前秦志略

苻洪

卷二十三

後燕志略

慕容垂

西燕慕容泓

丁零翟氏附

後秦志略

姚弋仲

拓跋興魏

卷二十四

桓玄之亂

孫恩盧循之亂

譙縱之亂

西秦志略

乞伏國仁

後涼志略

呂光

北涼志略

沮渠蒙遜

卷二十五

南涼志略

秃髮烏孤

南燕志略

慕容德

西涼志略

李暠

夏志略

赫連勃勃

北燕志略

馮跋

仇池志略

氏王楊氏

劉裕篡晉

卷二十六

元魏寇宋

徐傳廢立

宋文紀略

彭城王專政

宋文北伐

太子劭弒逆

卷二十七

魏太武紀略

宗愛弒逆

宋孝武紀略

南郡竟陵之叛

廢帝之亂

宋明北伐

卷二十八

蕭道成篡宋

齊武帝紀略

魏孝文紀略

文成獻文附

卷二十九

蕭鸞篡立

王敬則之亂附

元魏侵齊

蕭衍篡齊

卷三十

梁魏交兵

魏伐柔然

魏肇忠用事

魏胡后臨朝

卷三十一

魏六鎮之叛

元顥入洛

魏爾朱之亂

魏分東西

卷三十二

高氏篡東魏

宇文篡西魏

侯景之亂

卷三十三

梁氏亂亡

王琳奔齊

陳伐齊附

齊常山王篡立

陳安成王篡立

周陳之叛

周迪

陳寶應

周武帝紀略

宇文護弒逆附

周伐齊

吐谷渾志略

卷三十四

周滅齊

楊堅篡周

卷三十五

隋滅陳

隋易太子

突厥朝隋

隋伐高麗

卷三十六

煬帝亡隋

高祖興唐

唐平山東

竇建德

劉黑闥

卷三十七

唐平東都

李密

王世充

唐平隴右

薛舉

唐平河西

李軌

唐平河東朔方

劉武周

梁師都

唐平江陵

蕭銑

唐平江淮

杜伏威
沈法興

李子通
輔公祏

太宗平內難

卷三十八

太宗紀略

卷三十九

太宗易儲

唐平突厥

唐平鐵勒

唐平西突厥

唐平高昌

唐平吐谷渾

卷四十

唐平遼東

吐蕃請和

唐平奚契丹

高宗紀略

突厥叛唐

卷四十一

武韋之禍

卷四十二

太平公主謀逆

玄宗紀略

李林甫亂政

姦臣聚斂

宇文融

楊慎矜

王珙

楊釗

卷四十三

楊氏之寵

安史之亂

卷四十四

李輔國用事

張后

程元振附

僕固懷恩之叛

周智光附

元載專政

吐蕃入寇

兩稅之弊

劉晏理財

卷四十五

德宗紀略

盧杞之姦

裴延齡附

涇原之變

卷四十六

李懷光之叛

吐蕃叛盟

李元文用事

憲宗紀略

卷四十七

魏博志略

盧龍志略

成德志略

卷四十八

淄青志略

淮蔡志略

澤潞志略

卷四十九

宣武志略

滄景志略

西川志略

南詔志略

卷五十

回鶻叛服

宦官弒逆

甘露之變附

朋黨之禍

卷五十一

宣宗紀略

裘甫寇浙東

龐勛之亂

唐復河湟

唐平党項

黃巢之亂

秦宗權孫儒附

卷五十二

李克用歸唐

蒲晉邠岐之亂

王重榮
朱玫

李克用

邠岐三鎮之亂

王行瑜
韓建

李昌符
李茂貞

晉汴構兵

朱溫并諸鎮

卷五十三

朱溫篡唐

宦官之亂附

吳志略

楊行密

卷五十四

前蜀志略

王建

李氏據鳳翔

李茂貞

南漢志略

劉隱

閩志略

王審知

卷五十五

吳越志略

錢鏐

楚志略

馬殷

南平志略

高季興

卷五十六

後唐滅梁

契丹入寇

鄴都之變

卷五十七

明宗紀略

秦王之亂

安重誨專權

潞王篡弑

石敬瑭篡唐

後蜀志略

孟知祥

卷五十八

三鎮之叛

天雄范延光
義成符彥饒

河陽張從賓
附楊光遠

契丹滅晉

南唐志略 李昇

卷五十九

後漢復中原

三叛連兵

趙思綰 李守貞

王景崇

郭威篡漢

世宗紀略

北漢志略

劉旻

卷六十

宋太祖代周

金匱之盟

太宗紀略

卷六十一

契丹寇宋

西夏叛服

交州之變

蜀盜之平

李順 王均

張餘

真宗紀略

卷六十二

契丹盟好

天書封祀

丁謂之姦

明肅莊懿之事

夏元昊拒命

卷六十三

仁宗紀略

慶曆黨議

廣南之亂

儂智高

卷六十四

英宗紀略

韓琦定策

濮議

王安石變法

卷六十五

神宗紀略

西南用兵

西夏用兵

熙河之役

元祐更化

卷六十六

洛蜀朔黨議

哲宗紹述

建中初政

金滅遼

卷六十七

蔡京擅國

花石綱之役

道教之崇

燕山之役

卷六十八

金人入汴

二帝北狩

高宗嗣統 李綱輔政

卷六十九

黃汪主和 宗澤守汴附

苗劉之變

金人南侵

平羣盜

卷七十

金人立劉豫

張浚經略關陝

吳玠兄弟保蜀

岳飛規復中原

卷七十一

秦檜主和

金亮之惡

金亮南侵

卷七十二

孝宗紀略

隆興和議

兩朝內禪

韓侂胄專政

卷七十三

道統諸儒

韓侂胄開邊

吳曦之叛

卷七十四

蒙古取燕

金好之絕

李全之亂

李璫歸宋附

史彌遠專政

史嵩之附

蒙古取河北山東

卷七十五

蒙古取汴

宋會蒙古滅金

蒙古連兵

余玠守蜀

董丁之姦

蒙古滅西夏

卷七十六

蒙古創業

蒙古南侵

賈似道當國

元陷襄陽

卷七十七

元陷臨安

宋室之亡

卷七十八

元世祖紀略

元平羣盜

阿合馬桑盧之姦

北邊諸王之亂

高麗臣元

卷七十九

元伐西南諸國

成宗紀略

武仁授受之際

武宗紀略

仁宗紀略

鐵木迭兒之姦

佛教之崇

卷八十

三帝之立

文宗紀略

順帝紀略

伯顏哈麻之姦

方國珍之亂

徐壽輝據蘄漢

明玉珍據成都附

韓林兒據汴亳

卷八十一

張士誠據平江

陳友諒據江州

諸帥之爭

順帝歸沙漠

別支

漢士

卷八十一

蘇林

余

大

許

孤

通鑑本末紀要總目

